



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1521757
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

4 դեկտեմբերի 2023թ.

ք. Երևան
(կազմման վայրը)

Ակտի հասցեատեր

«ՔԱԼՈՅԱՆ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	8	2	0	7	8	8	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, Գեղարքունիքի մարզ, ք. Մարտունի, 1 փող., 46շն.

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 13.11.2023թ. թիվ 1521757 որոշման համաձայն «ՔԱԼՈՅԱՆ» ՍՊԸ-ի (այսուհետ նաև՝ ընկերություն) նկատմամբ իրականացվել են օպերատիվ - հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 2023թ-ի նոյեմբերի 14-ին ժամը 13:45-ի սահմաններում ՀՀ, Գեղարքունիքի մարզ, գյուղ Ձորագյուղ, M 10 ավտոճանապարհի դուրս է եղել «ՁԻԼ» մակնիշի 35 XA 841 պետհամարանիշի ինքնաթափ բեռնատար ավտոմեքենան բեռնված ավազով, որը ժամը 14:00-ին կայանցել է ՀՀ, Գեղարքունիքի մարզ, Լիճք գյուղի ավտոճանապարհին:

ՀՀ օրենսդրությամբ, հարկային մարմինն վերապահված իրավասությունների սահմաններում, մատակարարվող և տեղափոխվող ապրանքների փաստաթղթային ձևակերպումը ճշտելու նպատակով, հետազոտվել է վերը նշված հասցեում տեղակայված տրանսպորտային միջոցի բեռնաթափքը, մեքենայի վարորդը ներկայացել է որպես Արտյոմ Սիմոնյան ով բեռն ուղեկցող որևէ հաշվարկային փաստաթուղթ չի ներկայացրել:

ՕՀ միջոցառումների շրջանակներում նշված բեռնատարի վարորդ՝ Արտյոմ Սիմոնյանը 14.11.2023թ-ին տրված գրավոր հայտարարությամբ հաստատել է վերոգրյալը և հայտնել է, որ վերը նշված բեռնատարով 14.11.2023թ-ին ժամը 13:00-ին գտնվել է ՀՀ Գեղարքունիքի մարզ, Ձորագյուղ գյուղում «ՔԱԼՈՅԱՆ» ՍՊԸ-ի հանքավայրում որտեղից բեռնել է 6 խոր. մետր պեռլիտային ավազ, որի համար վճարել է 18.000 ՀՀ դրամ (6x3.000=18.000):

ՊԵԿ տեղեկատվական բազայի տվյալների համաձայն՝ 14.11.2023թ-ին ժամը 13:00-ի դրությամբ «ՔԱԼՈՅԱՆ» ՍՊ ընկերության կողմից նշված մատակարարվող ապրանքի

վերաբերյալ էլեկտրոնային եղանակով հաշվարկային փաստաթուղթ դուրս գրված չի եղել, սակայն, 14.11.2023թ-ին ժամը 14:03-ին «ՔԱԼՈՅԱՆ» ՍՊ ընկերության կողմից նշված մատակարարվող ապրանքի վերաբերյալ ուշացումով դուրս է գրվել B 8397957336 հաշիվ-վավերագիրը ըստ որի մատակարարվող ապրանքի 6 խոր մետրի ընդհանուր արժեքը կազմել է 18.000 ՀՀ դրամ:

Թիվ 1521757 արձանագրությամբ 20.11.2023թ. հարուցվել է վարչական վարույթ: Կողմը, պատշաճ ծանուցված լինելով չի ներկայացել 01.12.2023թ. նշանակված վարչական վարույթի խումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով մատակարարվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում Ընկերության կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմել է 18.000 ՀՀ դրամ, որի 50 տոկոսը կազմում է 9.000 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1.Հաշվարկել և «ՔԱԼՈՅԱՆ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք	500 000	պետական բյուջե	900008000490

2.Ընդունելի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երկու օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



Զորքագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն՝ Արմեն Քալոյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (զրազրության ընդունման համար
պատասխանատու անձ՝ հալոսկ առաքման դեպքում)

ստորագրությունը

2023թ.

(նշում ակտը ստորագրելուց և (կամ) ստանալուց հրաժարվելու մասին)